

## Morning Regional Dogri News Bulletin, 09<sup>th</sup> September 2024

मार्निंग डोगरी न्यूज़ बुलेटिन, समें. 09-20 Hrs



### Headlines

1. राजौरी च कब्जा रेखा कश दऊं आतंकवादिएं गी मारी मकांदे होई फौज नै घुसपैठ दी कोशश गी नाकाम बनाई दित्ता ऐ।
2. भारती जनता पार्टी नै त्रीए गेड़ दे असेंबली चुनाएं लेई 10 होर विधानसभा हल्कें लेई अपने मेदवारें दे नाएं आली 6मीं सूचि जारी कीती ऐ।
3. स्मूलचे केन्द्र शासत प्रदेश च जिला चुनां सिगें पास्सेआ औंदे असेंबली चुनाएं लेई तैआरिएं गी तेज करदे होई माइक्रो आब्जरवरें दी सिखलाई पर ध्यान केन्द्रित कीता जा'रदा ऐ।
4. प्रधानमंत्री नरेन्द्र मोदी होर अज्ज नमीं दिल्ली च अबूधाबी दे शहजादे शेख खालिद बिन मोहम्मद बिन जायद अल नाहयान हुंदे कन्नै गल्लबात करगंन।



### Infiltration

राजौरी जिले च कब्जा रेखा पर फौज दे सौहगे जवानें दऊं आतंकवादिएं गी मारी मकांदे होई घुसपैठ दी इक कोशश गी नाकाम बनाई दित्ता ऐ। नौशेहरा दे लाम सेक्टर च जंदी रातीं एह टाकरा होआ। बन्ने दी राक्खी करै करदे फौज दे जवानें न्हरे दा फायदा ठोआंदे होई घुसपैठ दी कोशश करै करदे आतंकवादिएं दी नकलो हरकत दिक्खियै उनेंगी ललकारेआ जेह्दे मगरा टाकरा शुरू होई गेआ। फौज आस्सेआ रातीं'लै पूरे इलाके गी लाईटें कन्नै रोशन करी दित्ता ते बडलै लोह हुंदे गै इलाके च बड्डे स्तर पर तपाशी अभियान रंभी दित्ता गेआ।



### BJP List

भारतीय जनता पार्टी नै औंदे विधानसभा चुनाएं गी दिक्खदे होई 10 होर विधानसभा हल्के लेई मेदवारें दी 5मीं सूचि जारी करी दित्ती ऐ। उधमपुर इस्ट हल्के थमां आर.एस.पठानिया, कटुआ थमां डॉ. भारत भूषण, बाहू

विधानसभा हल्के थमां विक्रम रंधावा ते मढ़ थमां सुरिंदर भगत होरें गी मेदवार बनाया गोआ ऐ। मेदवारें दी इस 6मीं सूचि कन्नै बीजेपी नै जम्मू खित्ते दी सब्बनें 43 विधानसभा सीटें लेई मेदवारें दी घोषणा करी दित्ती ऐ।



## Doda Election

जम्मू कश्मीर विधानसभा चुनाएं 2024 दी तैआरिएं गी दिक्खदे होई विधानसभा हल्कें डोडा ते डोडा वैस्ट दे आम निगरान आदित्य नेगी होरें डोडा हल्के दे रिटर्निंग अफसर सुनील कुमार भुत्या लते डोडा वैस्ट दे रिटर्निंग अफसर अशोक कुमार हुंदे कन्नै इक मुख् बैठक दी अध्यक्षता कीती। इस बैठक दा मकसद औंदे चुनाएं दी तैआरिएं दी समीक्षा करना हा जेह्दे च खास तौरा पर दिव्यांग मतदाताएं लेई इंतजाम ते चुनाएं गी बवस्थित ढंगै सिर करोआना जकीनी बनाने पर जोर दित्ता गोआ। आम निगरान होरें चुनां सरबंधी अमले दी तैनाती चुनां अधिकारिएं लेई सिखलाई सत्र ते ईवीएम मशीनें गी चलाने जनेह् मुख् पैहलुएं दे प्रबंधें दी बी समीक्षा कीती। जेह्दे अलावा दौनें अफसरें आदर्श आचार संहिता दी सख्ती कन्नै पालमा करने ते चुनां प्रक्रिया दरान कन्नू बवस्था बनाई रखने दे महत्व पर बी जोर भरेआ।



## Poonch Election

जिला चुनां विभाग पुंछ आस्सेआ औंदे असैंबली चुनाएं लेई अपनी तैआरिएं गी होर तेज करदे होई जिले दे त्रकं निर्वाचन हल्कें सुरनकोट, हवेली ते मेंढर च माइक्रो आब्जरवरें दी सिखलाई पर खरा मता ध्यान केन्द्रित कीता जा'रदा ऐ। आम चुनां निगरान सोलाई भारथी दासन होरें इस गल्लै पर जोर पाया जे माइक्रो आब्जरवर भारती चुनां आयोग दे अक्खां ते कन्न हुंदे न ते मतदान केन्द्रें पर तैआरिएं दी निगरानी, उत्थें घट्टोघट्ट बुनियादी सहूलतें दी दस्तोयाबी जकीनी बनाने, मतदान आली प्रक्रिया दी अभ्यास दी दिक्ख-रिक्ख ते चुनां आयोग दे दिशसस निर्देशें मूजब होर द्यूटिएं गी अंजाम देना बी उंदी जिम्मेदारिएं च शामिल ऐ। उनें माइक्रो आब्जरवरें गी गुजारश कीती जे ओह् पूरी निशाक्खता ते उक्षता कन्नै अपनी जिम्मेदारिएं गी अंजाम देन।



## Election Ramban

रामबन दे जिला चुनां सीगे नै जिला चुनां अधिकारी बसीर उल हक चौधरी हुंदे नेतृत्व तैहत सरबंधत लोकें दे घर जाइयै मतदान करोआने ते डाक राएं मतदान लेई तैनात चुनावी अमले गी सिखलाई देने दे कार्यक्रम दा सरिस्ता कीता। सिखलाई आले इस कार्यक्रम दा मकसद औंदे असैंबली चुनाएं शा पैहले रामबन ते बनिहाल हल्कें च बुजुर्ग ते दिव्यांग लोकें लेई बवस्थित ढंगै सिर मतदान जकीनी बनाना हा। इस सत्र दा मकसद

चुनावी अमले गी लोडचदे हुनर ते ज्ञान कन्नै लैस करना बी ऐ तां जे बिजन कुसै दिक्कत परेशानी दे ओह चुनावी प्रक्रिया च हर इक योग्य मतदाता दी शमूलियत जकीनी बनाई सकन।



## Udhampur Election

उधमपुर जिले च त्रीए गेड़ तैहत् पैहली अक्टूबर गी होने आले असैंबली चुनावं लेई तैआरियां जोरें-शोरें जारी न। जिले च योग्य मतदाताएं दी गिनतरी 4 लक्ख 22 ज्हार शा मती ऐ। जिले दे 4 विधानसभा हल्कें उधमपुर वैस्ट, उधमपुर ईस्ट, चनैनी ते रामनगर च कुल 4 लक्ख 22 ज्हार 298 मतदाता न जिंदे च 2 लक्ख 21 ज्हार 262 मर्द ते 2 लक्ख 1 ज्हार 36 महिला मतदाता न। मतदान दी प्रतिशत बधाने ते इस गल्लैगी जकीनी बनाने जे हर इक मतदाता वोट पाने दे अपने हक्क दा बिजन कुसै दिक्कत दे इस्तेमाल करै, भारती चुनावं आयोग नै जिले च 654 मतदान केन्द्र खडेरे दे न। इंदे च पिंग पोलिंग स्टेशन, यूथ पोलिंग स्टेशन, दिव्यरंगें आस्सेआ संचालित मतदान केन्द्र, ग्रीन पोलिंग स्टेशन, अनोखे मतदान केन्द्र ते आदर्श मतदान केन्द्र बी शामिल न।



## PM-UAE

प्रधानमंत्री नरेन्द्र मोदी होर अज्ज नमीं दिल्ली च अबूधाबी दे शहजादे शेख खालिद बिन मोहम्मद बिन जायद अल नाहयान हुंदे कन्नै भारत ते संयुक्त अरब अमिरात बश्कार बक्ख-बक्ख क्षेत्रें च दपक्खी साथ सैहयोग बारे गल्लबात करगंन। शेख खालिद बिन मोहम्मद बिन जायद अल नाहयान हुंदे अबूधाबी दे शहजादे दे तौरा पर एह भारत दी पैहली यात्रा लेई उंदे कन्नै संयुक्त अरब अमिरात दे केई मंत्री ते बपारिएं दा प्रतिनिधिमंडल बी भारत आए दा ऐ। कल श्री नाहयान होर मुंबई जांगन ते इक कारोबारी सम्मेलन च हिस्सा लैगन। इस सम्मेलन च दौनें मुखे थमां कारोबारी क्षेत्र दे दिग्गज हिस्सा लैगन।



## PM-Man Ki Baat

प्रधानमंत्री नरेन्द्र मोदी होर इस म्हीने दी 29 तरीक गी आकाशवाणी पर अपने मन की बात कार्यक्रम राएं देश-विदेश च रौहने आले लोकें कन्नै अपने बचार सांझा करगंन। एह इस महावार रेडियो कार्यक्रम दी 114मीं किशत होग। लोक अपने बचार ते सुझाह टोल फ्री नंबर 1800-11-7800 पर भेजी सकदे न। एहदे अलावा लोक 1922 नंबर पर मिस्ड कॉल करियै ते एसएमएस राएं थ्होए दे लिंक पर जाइयै सिद्दे अपने बचार प्रधानमंत्री हुंदे तगर पजाई सकदे न। जेकर कोई बी अपने बचार ऑनलाइन भेजना चाहंदा ऐते नरेन्द्र मोदी ऐप ते My Gov, ओपन फोरम राएं बी भेजी सकदा ऐ। औंदे कार्यक्रम लेई बचार इस म्हीने दी 27 तरीक

तगर भेजी सकदे न। मन की बात कार्यक्रम 29 सितम्बर गी बडलै 11 बजे आकाशवाणी ते दूरदर्शन दे समूलवे नेटवर्क, ए.आर.आर न्यूज़ वैंबसाइट ते न्यूज़ ऑन एयर मोबाइल ऐप पर प्रसारत कीता जाग।



## Mela Bhaderwah

भद्रवाह घाटी च देवतावासुकी नाग होरें गी समर्पित सलाना त्रऊं दिनें दा मेला पट्ट ऐतवारें डोडा जिले दे प्राचीन खखाल मोहल्ले च शुरू होआ। नागें सरबंधी साढी संस्कृति कन्नै जड़े दा एह ध्यार मुगल सम्राट अकबर ते भद्रवाह दे राजा नाग पाल बश्कार ऐतिहासक मलाटी दे बारे च दस्सदा ऐ ते 16मीं सदी थमां गै मनाया जा'रदा ऐ। एह ध्यार आपसी भाईचारे ते सांस्कृतिक विरासत दा प्रतीक ऐ। इस ब'रे बी जम्मू कश्मीर दे बक्ख-बक्ख हिस्से थमां केई श्रद्धालु मेले च हिस्सा लैने लेई राजा नाग पाल दी दलेरी गी वेता करने लेई औंदे न। हर ब'रे एह ध्यार नाग पंचमी आले ध्याड़े मनाया जंदा ऐ। जेहदी कैलाश यात्रा दे 7एं दिनें बाद औंदी ऐ। इस मौके पर मशूहर लोक प्रस्तुति "डिक्को डांस" च सब्बने धर्मे दे पुरुष ते महिला हिस्सा लैंदे न।



## RNU Special Programme

आकाशवाणी जम्मू दा क्षेत्रीय समाचार एकांश 18 सितंबर, 2024 कोला त्रऊं गेड़ें च होने जा'रदे विधानसभा चुनाव 2024 दे सिलसिले च जम्मू संभाग दे सब्बने 10 जिले दे बारे च विशेष जिला प्रोफाइल कार्यक्रमें दी इक्क श्रृंखला शुरू करा'रदा ऐ। इस सिलसिले च 12 सितंबर थमा 15 मिनट दे 10 विशेष कार्यक्रम 12,14,16, 20, 22, 24, 26, 27, 28 ते 30 सितंबर गी बडले 8:45 बजे प्रसारित कीते जांगन जिंदे च जम्मू संभाग दे हर जिले दा ऐतिहासिक, पर्यटन ते राजनीतिक अवलोकन पेश कीता जाग स केंद्र शासित प्रदेश च आगामी विधानसभा चुनाएं दे मद्देनजर, शुरू कीती गेदी इस श्रृंखला दा उद्देश्य आकाशवाणी जम्मू दे श्रोताएं लेई जम्मू संभाग दे सब्बने 10 जिले दे हर इक्क विधानसभा क्षेत्र दे बारे च महत्वपूर्ण जानकारी प्रसारित करना ते उने गी जागरूक रखना ऐ। बने र'वो स्हाड़े कन्ने ते सुनदे र'वो आकाशवाणी समाचार



## Voter Rally Kishtwar

जारी स्वीप अभियान दे इक हिस्से दे तौरा पर विधानसभा क्षेत्र किशतवाड़ दे मट्टा पंचैत दे ए.पी.एन हाई स्कूल च इक बड्डी रैली दा आयोजन कीता गोआ। इस रैली च तकरीबन 500 शा बद्ध विद्यार्थिं ते स्कूल अमले नै बड़े उत्साह कन्नै हिस्सा लैता। एह रैली मट्टा पंचैत दी गलिं-शिड़कें थमां लंघी ते चुनां सरबंधी जागरूकता फैलाई गई। तोआई इयै नेही रैलियां नागसैनी तैहसील मुख्यालय ते चेरजी ग्रां च बी कीतियां

गेइयां तां जे लोकें तगर वोट पाने दे अपने हक्कै दा इस्तेमाल करने बारे जागरूकबनाया जाई सकै । एह रैलिणं मुत्तलका स्वीप नोडल अफसरें दी निगरानी च कीतियां गेइयां ।

